



狂雲集

上下

一休集

詩文

寛永版

特別  
~18  
4014



特八八  
4014



狂雲集上

贊虛堂和尚

育主住院世皆棄放下法衣如破鞋臨濟正傳無一點  
一天風月滿吟懷

題大燈國師行狀末

挑起大燈輝一天鸞輿競譽法堂前風飡水宿無人記  
第五橋邊二十年

如何是臨濟下事 五祖演曰五逆聞雷

機先一喝鐵圍崩五逆元來在衲僧桃李春風清宴夕  
半醒半醉酒如繩



如何是雲門宗

演曰紅旗閃爍

華旗風暖動春臺八十餘負師席開一字關弓三句體  
幾人眼裏着紅埃

如何是為仰宗

演曰斷碑橫古路

惠寂釋迦靈祐牛披毛作佛也風流古碑路斷長溪容  
萬世姓名黃葉秋

如何是法眼宗

演曰巡人犯夜

一滴曹源一滴深巡人關々夜沉々青山滿目是何法  
家醜猶如學棒心

臨濟四料簡

百丈為山名未休野狐身與水牯牛前朝古寺無僧住

黃葉秋風共一樓 奪人不奪境

臨濟兒孫誰的傳宗風滅却瞎驢邊芒鞋竹杖風流友

曲榑木床名利禪 奪境不奪人

雉翳龜焦身迤邐并汾絕信話頭圓夜來滅却詩人興

桂折秋風白露前 人境俱奪

莫道再來錢半文媼坊酒肆有功勳祇緣人話相如渴

腸斷琴臺日暮雲 人境俱不奪

賣弄諸人瞞諸方德山臨濟沒商量拈槌豎拂非吾事  
只要声名屬北堂 陳蒲鞋

會昌以後毀僧形一段風流何似生舞棹未懷為人手  
杜鵑叫月夜三更 岩頭船居圖 二首

蒲葉半凋江漢秋生涯受用在扁舟乾坤一子閑家具  
年代撈波情未休 又

大唐今古沒禪師斷臂虛傳人不知只許南山道宣筆  
恰如痛箭下針錐 贊二祖

周家當處出生來為法喪身徒苦哉宿昔植何時德本  
栽松老漢也黃梅 贊栽松道者

松源和尚三轉語  
大力量人因甚擡脚不起

透關更有一重關隨例依條不可攀奇菓荔枝天上味  
名從天寶落人間

露柱盡日徃來我因甚不動

草鞋脚瘦沒知音露柱同行伴我吟錢有靈神十萬貫  
杜鵑啼血託春心

若透得个兩轉語一生參學事畢

二十餘年曾苦辛乾坤誰是我般人參來直徹幽玄底  
歇去獨登要路津

舉靈山徹翁和尚末後之垂示以示徒其垂示云  
正法眼藏無付人自荷擔至弥勒下生噫

古佛靈山名不虛當來彌勒是同居兒孫了了狂雲子  
邪法大興殃有餘  
穿閱一句費工夫百煉精金再入爐話到當來々劫曉  
只愁枕上夢魂無

凡參禪學道之輩須日用清淨不可日用不淨所  
謂日用清淨者究明一則因緣到無理會田地晝  
夜工夫不急時々截斷根源佛魔難窺處分明坐  
斷往々埋名藏迹山林樹下舉揚一則因緣時無  
雜純一矣謂之日用清淨人也然而稱吾善知識  
擎杖拂集衆說法魔魅人家男女心好名利招學

商量鬼窟黑山禪神力金剛現目前普夫之下是王土  
擡脚向中公案圓

開口因甚不在舌頭上

三寸舌頭開禍門河沙諸佛轉多言夜來百勞五更月  
不奈声声出夢魂

明眼衲僧因甚脚跟下紅絲線不斷

二三四七諸禪師領衆匠徒心亂絲因錢有癖是和嶠  
娘坐脚下血淋漓

虛堂和尚三轉語

已眼未明底因甚將虛空作布袴着

畫餅冷腸飢未盈，娘生已眼見。如盲寒堂一夜思，衣意羅綺千重暗現成。

劃地為牢底，因甚透者予不過。

何事春遊興未窮，人心尤是客盃弓。天堂成就地獄滅，日永落花飛絮中。

入海筭沙底，因甚針鋒頭上翹足。

撒土筭沙深立功，針鋒翹脚現神通。山僧者裏無能漢，東海兒孫天澤風。

### 大燈國師三轉語

朝結眉夕交肩，我何似生。

者於室中道悟玄旨，使參者相似模樣，閑言語使教者片个情也。這般輩非人也，寔日用不淨者也。以佛法為度世之謀，是世上榮衛之徒也。九有身無不着有口，無不食若知此理，豈衛於世哉。豈諛於官家哉。如是之徒，三生六十劫入餓鬼入畜生，可無出期。或生人間受癩病苦，不聞佛法，名字可懼可懼。

右靈山徹翁和尚示榮衛徒法語題其後云

工夫不是涅槃堂，名利輝前心念忙。信道人間食籍定，手糜一椀橘皮湯。

現成公案任天真鳳曆開元，世界春今日山僧換却眼。  
堂中古佛面門新。元正

隨波逐浪幾紅塵，又值桃花三月春。流恨三生六十劫。

龍門歲々曝腮鱗。桃花浪

千古屈平情豈休，眾人此日醉悠悠。忠言逆耳誰能會。

只有湘江解順流。端午

獨閉門闔不省方，這中誰是法中王。諸人若問冬來句。

日自今朝一線長。冬至示眾

三世一身異號多，何人今日定諸訛。娑婆來往八千度。

馬腹駝腮又釋迦。佛誕生

天上人間稱獨尊，今朝成道受誰恩。分明衲子流星眼，  
便是瞿曇的之孫。佛成道

滅度西天老釋迦，他生出世到誰家。二千三百年前淚，  
猶洒扶桑二月花。佛涅槃

毒藥數加賊後弓，大千逼塞佛心宗。西來無意我有意，  
熊耳山中落木風。達磨忌

囊覓青銅無半文，醉思一句豈驚群。祖師遷化已百載，  
空拜婆年婆子裙。大燈國師百年忌 二首

兒孫多踏土頭關，了了狂雲江海間。大會齋還在何處，  
白雲蒸飯五臺山。又

僧問岩頭云古帆未掛時如何頭云小魚吞大魚  
僧云掛後如何頭云後園野喫草

寒温苦樂愧慚時耳朶元來兩片皮一二三考三二二一  
南泉信手斬猫兒

雲門示衆云古佛與露柱相交是茅幾機自代云  
南山起雲北山下雨

小姑緣底嫁彭郎雲雨今宵夢一場朝在天台暮南岳  
不知何處見韶陽

酒喫三盃未濕唇曹山老漢憫孤貧直橫身火宅中看  
一刹那間萬劫辛 苦中樂

此是瞿曇曾所經麻衣草坐六年情一朝點檢將來看  
寂寞靈山身后名 樂中苦

千山萬水野僧居甲子今年五十餘枕上終無老來意  
夢中猶讀小時書 百丈野狐

擊竹一朝忘所知聞鐘五夜絕多疑古人立地皆成佛  
剎明端的獨鬢眉 聞声悟道

憶得寒山見月題眼睛落地衆生迷洛陽三月貴遊客  
閃爍紅旗殘照西 見色明心

聞声悟道見色明心雲門拈云觀世音菩薩將錢  
來買胡餅放下手云元來是饅頭



即現觀音奴婢身饅頭胡餅谷精神旧時難忘見聞境  
滿目山陽笛裏人

大隨菴邊有一龜僧問一切衆生皮骨累這个衆  
生為甚骨累皮大隨以草鞋蓋於背上

衆生顛倒幾時休打着前頭又後頭信手救猫趙州老  
草鞋戴去也風流

鹿行沙門鬼眼開身長七尺甚奇哉不知何處見黃檗  
立法商君破法來 黃檗禮佛

此漢宗門第一禪奪人奪境体中玄安身立命在那處  
劫火洞然燒大千 臨濟燒机案禪板

翠岩夏末示衆云丁夏以來為兄弟說話看翠岩  
眉毛在麼保福云作賊人心垂長慶云生也雲門  
云関

眉毛公案爛泥荊保福雲門同道行長慶藏身還露影  
小樓南畔月三更

賓中有主主中賓関字失錢生也親賊賊賊賊拿不得  
當頭姦黨是何人 翠岩示眉毛圖

熟處年來猶未忘言中有味孰能嘗人斑初見太梅老  
疎雨淡烟青已黃 梅子熟

瞎馱不受靈山記四七二三須愧慙豈隨在光影邊事

銅睛鐵眼是同參 盲

掛拂遭呵百煉金 天生懷海耳根深 真聞真牛在何處

為鼓無絃一曲琴 聾

一句欲披吾襟襟舌頭挂 嚙吟々靈雲不答長生問

誰識金言猶在心 啞

金鱗難得急流前坐斷 釣臺三十年 絲線一通名利路

子陵可咲夾山禪 船子釣臺圖 二首

千尺絲綸豈得收 一天風月一江舟 舟翻人去名猶在

洙水何因不逆流 又

惱乱春風何所成 遊絲百尺惹多情 不知問取桃花去

換却靈雲雙眼睛 賊

荔支食罷記吾曾 三十年來一介僧 杜牧平生丈夫未

老無氣力望昭陵 贊清素首座

素老天生薄福徒 佛魔公案的傳無 鬱襟忽發烈史筆

永辱揚雄恭大夫 贊堯率悅禪師

沉吟小艷一章詩 發動乾坤投大機 擊竹見桃若相問

須弥脚下石烏龜 圓悟大師投機

冶父住持功不空 技負作富甚家風 看來省數錢猶在

不識脚跟絲線紅 覽松源和尚塔銘

丹臉青鬢慈愛深 自疑雲雨夢中心 千眼大悲看不見

漁妻江海一生吟

贊魚籃觀音

經卷元除不淨，殘龍宮海藏弄言詮。看々百則碧岩集

狼藉乳峰風月前

經卷拭不淨 三首

弓影客盃多斷腸，夜來新病入膏肓。肯愧慚我不及禽獸

狗屎梅檀古佛堂

又

信手拈來除不淨，作家面自露堂堂。南山雲起北山雨

一夜落花流水香

又

妙喜老人千歲名，宗門潤色太高生。子胥魯受吳王戮

可惜蜀鑊無眼睛

大慧禪師焚碧岩集

異類行中是我曾，能依境也境依能。出生忘却來時路

不識當年誰氏僧

牛

慣釣鯨鯢，咲一場泥沙碾步太忙々。可憐井底稱尊大

天下衲僧皆子陽

蛙

一枝尺八恨難任，吹入胡笳塞上吟。十字街頭誰氏曲

少林門下少知音

尺八

一棚頭上現全身，或化王侯或庶民。忘却目前真木樨

癡人喚作本來人

傀儡

茶褐黃花秋色深，東籬風露出塵心。天台五百神通力

未入洵明一片吟

羅漢菊

揚妃爛醉一籬秋，茶褐相交為好仇。失却神通居下界

應身天寶碎陽侯

菊 羅漢揚如同瓶

乾坤埋却沒門關，收取即今為雪山。狂客時來百雜碎

大千起滅刹那間 雪團

德嶠韶陽門大開，喚為嫌佛一樓臺。這般知識說邪法，

問話者從魔界來 嫌佛閣

古佛堂中交露柱，斬成兩段定諸訛。青山綠水一閑客

可咲岩頭黑老婆 鰥齋

香巖多福主，中賓密々參禪到。要津六々元來三十六

清風動處有佳人 竹幽齋

目前境界似吾癩，地老天荒百草枯。三月春風沒春意

寒雲深鎖一茅廬 陋居

將常住物置菴中，木杓茶籬掛壁東。我無如此閑家具

江海多年篋笠風 題如意菴校割末

住菴十日意忙々，脚下紅絲線甚長。他日君來如問我

魚行酒肆又娼坊 如意菴退院寄養叟和尚

天下禪師賺過人，黑山鬼窟弄精神。平生杜牧風流士

吟斷二喬銅雀春 寄南江山居

昨日俗人今日僧，生涯胡亂是吾能。黃衣之下多名利

我要兒孫滅大燈 偶作

香聲透過鬼門關，豺虎蹤多古路間。吟杖終無風月興

黃泉境在眼前山

山路讓用

媼坊十載興難窮強住空山幽谷中好境雲遮三萬里

長松逆耳屋頭風

山居 二首同

狂雲真是大燈孫鬼窟黑山何稱尊憶昔簫歌雲雨夕

風流年少倒金樽

又

歸宗一味日興餘典座山中功不虛休不見淨名香積飯

何時饒有美雙魚

山中示典座

孤峰頂上草菴居三要印消功未虛不意玄中有玄路

萬行裛淚一封書

山中得南江書

狂雲誰識屬狂風朝在山中暮市中我若當機行捧喝

德山臨濟面通紅

自山中歸市中

昔有一婆子供養一菴主經二十年常令一二人

女子送飯給侍一日令女子抱定云正恁麼時如

何菴主云枯木倚寒岩三冬無暖氣女子歸舉似

婆子云我二十年只供養得个俗漢追出燒却菴

老婆心為賊過梯清淨沙門與女妻今夜美人若約我

枯楊春老更生稊

覲面當機誰一拶寒毛卓豎老岩頭恠哉你在扶桑國

凜々威風四百州

畫虎

宗訢藏主製墨以為業偈以送之

萬杵霜花葦頂天商量來不直多錢何須知藏書經卷  
小艷題詩術少年

業識忙々從却空平生伎倆到今窮四百四病一時發  
苦屈苦辛安樂中 示病僧紹珠首座

彌勒釋迦也馬牛春風惱亂卒何休六々元來三十七  
一声念讚起鐘樓 宗春居士下火 行年三十七

法座上禪名利基諸方豎拂與拈鎚圓悟金山遭大病  
苦吟小艷一章詩 病中還人送曲录

文安丁卯秋本德精舍有一僧無故而自殺矣好  
事之徒遂譖之官繫其餘歿而居囚禁者七五章

足為吾門之大乱時人喧傳焉予聞之即日晦迹  
山中其意蓋出於不忍耳適學者自京城來說本  
寺件々之事愈弗勝慨嘆作偈言懷時值重陽故  
成九篇云

地老天荒龍寶秋夜來風雨惡難收對他若作是非話  
彷彿雲門閑字酬

慚我声名猶未韜參禪學道長塵勞靈山正法掃地滅  
不意魔王十丈高 又

傳囚一月老屋堂身上迤邐休斷腸苦樂寒温个時節  
黃花一朵識重陽 又

清淨本然現大千現前境界是黃泉慣戰作家赤心露  
眉間掛劍血繞天 又

正傳傍出妄相爭曠劫無明人我情人我擔來擔子重  
空看蛺蝶一身輕 又

上古道光今日明議論臨濟正傳名屋前屋後樵歌路  
憶昔山陽笛一聲 又

棒喝德山臨濟禪商量三要與三玄漢王鑄印却消印  
胡亂更參三十年 又

近代久參學得僧語言三昧喚為能無能有味狂雲屋  
折脚鐺中飯一升 又

風外松杉亂入雲諸方動衆又驚群入境機關吾不會  
濁醪一盞醉醺々

放離賣却甚風流一句明々百草頭相對無心弄禪話  
朝雲暮雨不勝愁 贊靈昭女

靜時無響動時鳴鈴有聲耶風有聲驚起老僧白晝睡  
何須日午打三更 風鈴 二首

見聞境界太無端好是清聲隱々寒普化老漢活手段  
和風搭在玉欄干 又

某甲為山僧一頭長溪路上即忘不闌中無復祖師見  
花屬春風月屬秋 牛菴 齋名

層寸無根點碧空，安身立命在其中。夢魂昨夜平山雨，吟斷朝來一片蹤。半雲同

隨身擔子鈿，吝吝不知何處山。翁南方便佛法會，否盧公老老盧公。贊六祖

紹鶴藏主規地卜，居家徒四壁立扁。曰土菴作偈，以為證云。

夏巢冬穴，下身康帶水拖泥。萬念忙稼穡，艱難若領略。梅檀佛寺名利場。

大機居士卜小築，顏曰瞻駟曰贅。以偈云：大人消息有誰通，不墮靈山記。荆中臨濟宗風掃地滅。

紅塵紫陌鬧忽々

樵客漁人受用全，何須曲榭木床禪。芒鞋竹杖三千界，水宿風餐二十年。簑笠 菴号

謹奉錄呈 一休老和尚座下 幻住孫真建九拜  
狂風徧界不曾藏，吹起狂雲狂更狂。誰識雲收風定處，海東初日上扶桑。

和韻

慚愧声名不覆藏，佯歌爛醉我風狂。吟懷夜冷中峰月，幻住僧無三宿桑。

華叟老師掩光而後既泊二十餘稔也壬申秋勅



謚大機弘宗禪師仍製禪詩呈寄大用養叟和尚  
且陳賀忱云

曾謝塵寰五十年芳名美譽是何禪子胥日晚倒行去  
覲面辱屍三百鞭

懶瓚辭詔也何似煨芋烟鎖竹爐裏大用現前真衲僧  
先師頭面潑惡水 又

弄師子處正明心不托回頭口若暗讀誦蓮經風雪燭  
漁歌一曲五更吟 贊端師子

創草百二十八年看來今日体中玄正邪境法滅却後  
猶是大燈輝大千 大德寺火後題大燈國師塔

脚下苦哉平地波誰人梁魏定聲訛西來莫道太難意

河廣傳聞一葦過 渡江違磨

從來道業是毘尼黃檗棒頭忘所知正傳的之克勤下  
吟破風流小艷詩 贊臨濟和尚

德山臨濟奈同行街市風顛群衆驚坐脫立亡多敗關  
和鳴隱々寶鈴聲 贊普化

棒頭打着羯磨僧痛處針錐絕伎能挑李春閨廣外月  
吟魂一夜十年燈 黃檗三頓棒

持戒為馱破戒人河沙異号弄精神初生孩子婚姻線  
開落紅花幾度春 脚下紅絲線

靈山孫言外的傳蜜漬荔枝四十年兒孫有箇瞎齋漢  
願得老婆新婦禪 贊華叟和尚

華叟子孫不知禪，狂雲面前誰說禪。三十年來肩上海  
一人荷擔松涼禪 自贊

風狂狂客起狂風，來往媯坊酒肆中。具眼衲僧誰一撥  
畫南畫北畫西東 又

六燈佛法沒光輝，龍寶山中今有誰。東海兒孫千歲後  
吟魂猶苦許渾詩 又

為人苦行也天然，大用分明即現前。一日不作必不食  
大人手段作家禪 百丈餓死 三首

古人受用幾嘗難，不是尋常談笑間。飽食痛飲飯袋子  
又衣翫水又遊山 又

工夫長養大慈心，臨濟消來萬兩金。昔日艱難聞吐哺  
簔衣著笠鑽頭吟 又

樂中有苦一休門，箇箇蛙爭井底尊。晝夜在心元字脚  
是非人我一生喧 示會裏徒 三首

公案參來明歷歷，胸襟勘破暗昏昏。惡憎到死難忘却  
道伴忠言透耳根 又

徒學得祖師言句，識情刀山牙釘樹看人頻。舉他非  
啣血噴入其口汚 又

塵緣塵境萬端稠，到此誰人截衆流。  
誓心決定魔宮動，長信西風琪樹秋。  
示入定僧

夾山言教價千金，一炬看來救古今。  
休向寒灰成議論，宗乘滅却老婆心。  
讀碧岩集序

成佛成駮手脚全，河沙異号任生緣。  
黃龍關外黑雲鎖，積翠春風楊柳前。  
黃龍三闕

少林積雪置心頭，公案圓成上等仇。  
僧社吟詩剃頭俗，飢腸說食也風流。  
虎丘雪下三等僧二首

禪者詩人皆癡鈍，雪下三等多議論。  
妙喜若是大慈心，說食僧與香積飯。  
又

雲門卯塔一茅房，太用黃金殿上居。  
傍出正傳現前境，楊歧屋壁古來疎。  
看大德寺修造有感

活眼大開真面目，千秋後尚弄精魂。  
震堂的子老南浦，東海狂雲六世孫。  
新造大應國師尊像

美人雲雨愛河深，樓子老禪樓上吟。  
我有抱持噫吻興，竟無火聚捨身心。  
題娼坊

無常殺鬼現前時，未後牢關說向誰。  
百事難休五欲關，六窓欲鎖八風吹。  
示延壽堂僧

德山棒号臨濟，喝嘆我被他機境奪。  
若人問馬祖，不安慚愧一生相如渴。  
病中作

參禪婆子揚花，帳入室，美人蘭惠苗近代，邪師過謬  
馬牛，漢不是人倫。示榮街，惡知識。二首

棒心自稱法王，身世上，弄嘲徒怒嗔。一个猢猻没巴尾  
出頭，太用現前人。又

荒草不鋤，乃祖玄涅槃正法妙心，禪杜鵑叫落關山月  
誰在花園躑躅前。拜關山和尚塔

蕭蕭門外是何声，不會當機問鏡清，顛倒衆生迷逐物  
窓前半夜一燈青。雨滴。齋名

茅庐竹閣興難窮，臨濟栽來功不空，枕上愧慚有閑夢  
夜來驚起屋頭風。松窓。同

誰人任運問安心，昔日神光侍少林，面壁功成無面目  
不知積雪滿庭深。面壁達磨

六年飢寒徹骨髓，苦行是佛祖，玄旨信道無天然，釋迦  
天下初僧飯袋子。苦行釋迦

無端滅却大燈，家鐵眼銅睛，劔樹牙，一句分明言外語  
親聞華叟若曇華。言外和尚

大燈子大應孫，正傳臨濟宗門儼然，靈山一會何妨三  
界獨尊。徹翁和尚

趙州三轉語。泥佛不渡水。木佛不渡火。金佛不渡瓦。  
詩成小艷述，愁情一枕多年友，前声長笛暮樓誰氏曲。

曲終江上數峰青

河裏捨來十萬錢，庫中終沒半文錢。真箇簸箕門下客，  
焚籬賣不直多錢。龐居士制斧瀝籬圖  
眉毛相結，眼睛同兩子。老禪機境融力出，鐵椎子房策  
憤心在博浪沙中。大惠宏智揖讓圖

山菴雜錄曰：楚石住嘉興天寧，值有司重作官宇，  
闕木石，欲取村落無僧廢菴，應所需，因集諸寺住  
持議之。時楚石力陳不可者，沮之。有司不聽，遂擿  
退鼓歸海鹽。天寧二老皆勇於行義，視桑師席之  
尊不啻如棄敝屣。今雖荐禍患嬰已，而猶濡忍戀

戀亦獨何哉！予讀此有感，因作偈云：又有了菴下  
事省之

奪人奪境事猶稠，幽谷閑林不自由。莫道江山無定主，  
普夫之下帝王州。

龍門亭題偈賀天龍寺再興

盡乾坤乃祖，門風萬嶽嵯峨。烟雨中三級浪高，黑雲鎖  
潛鱗直得化天龍。  
常住物誰用，已身山門境致剪。松筠殿堂只與花零落  
廢北秋風二月春。感龍翔寺廢

塵堂和尚十病二首

病在自信不及處

病在得失是非處

病在我見偏執處

病在限量窠臼處

病在機境不脫處

病在得少為足處

病在一師一友處

病在旁宗別派處

病在位自拘束處

病在自大了一生不得處

是非元勝負修羅傍出正傳人我多近代邪師誇管見識情毒氣任偏頗

議論未休正與邪無慚愧漢是天魔狂雲卧病相如渴

一枕秋風奈我何 又

鷲峰會上現前辰鷄足室中來劫春中毒人應知毒用

西夫此土野狐身

拈華微笑

窺基三昧獨天真酒肉諸經又羨人座主眼睛猶若此

宗門唯有个宗純

贊慈恩窺基法師

同門老宿誠余姪犯肉食會裡僧嗔之因作此偈

示衆僧云

為人說法是虛名俗漢僧形何似坐老宿忠言若逆耳

昨非今是我凡情

佛病祖病逆鬼眼臨濟焚儿按禪板不會金山大病辛

時人空吟艷詩簡

病中作

吕公子陵真面自受用風餐又亦宿江湖今有廣漁舟

我無一竿湘楚竹

隱溪奇名

參玄衲子道難成，但願歸依常不輕。一片吟懷向誰解

楚雲湘水十年情

示衆

瞿曇四十九年說，看以毘耶與摩竭。邪師臆說拈話頭，  
閻王前豈免拔舌。破邪禪

一生破屋廢菴，居這裡榮華也不虛。清淨佛寺利欲地

楊歧屋壁古來疎

新建立佛寺

將入山中一偈書，屋壁以示衆去

愧慚禍起自蕭牆，我見折人如劍鏗。從此空山幽谷路

誰人來踏板橋霜

題密菴和尚病起上堂後

江山富貴是樵漁，風雨吟身一草庐。七顛八倒衆生苦

不耐小魚吞大魚

賀大用菴養叟和尚賜宗惠大照禪師號

紫衣師号柰家貧，綾紙青銅三百緡。大用現前膺長老

看來真个普州人

人多入得大燈門，這裡誰捐師席尊。淡飯鹿茶我無客

醉歌獨倒濁醪樽

寄大德寺僧

巢寒樹上老禪翁，寂寞清高名未空。諸惡莫作善奉行

大機須在醉吟中

贊烏窠和尚

叢林零落殿堂踈臨濟宗門破滅初大用拈檀佛寺閣  
崢嶸林下道人居 題養叟大用菴二首

山林富貴五山衰唯有邪師無正師欲把一竿作漁客  
江湖近代逆風吹 又

大智禪師難行道未法為人真落草飽食痛飲熟鍊丸  
初懼泉下閻羅老 百丈絕食

割截難禁忍辱仙捨身諸佛旧因緣千歲名斷碑雨  
觸髅識盡北邙前 示衆

錯來領衆十年餘實悟不知多是塵乃欲破除邪法豈  
夜來背發范增疽 病中二首

藥山兩粥懶殘芋昔年祖師修行苦棒喝機關作家禪  
不是牢關未後句 又

忍辱仙人常不輕菩提果滿已圓成撥無因果任孤陋  
一个盲人引衆盲 示衆

小釋迦唐朝出生夢中堪率太分明耽源体也為山用  
体用中唯開眼睛 贊仰山二首

枕子夜來推出時一宗敗闕少人知法身說法座主說  
黃葉一枝誑小兒 又

松源和尚上堂云舉僧問巴陵祖意教意是同是  
別巴陵云鷄寒上樹鴨寒下水白雲師祖云巴陵



只道得一半，白雲則不然。掬水月在手，弄花香滿衣。師拈云：白雲盡力道，只道得八成。有問：靈隱只向他道人，我無明一串穿。

祖意教意別，與同商量。今古未曾窮，松源老々婆心切。人我無明，屬已躬。

眼光落地，涅槃堂自悔自慚。螃蟹湯七手八脚，萬劫苦無常。殺鬼火車忙，涅槃堂。

背觸首山，閑話頭諸訛着。沒來由梨花院落黃昏月，說向愁人不解愁。竹篔背觸。

孤峰頂上謝塵寰，三十年來不出山。因憶南陽擁葉意。

半身暖氣半身寒。

山居僧擁葉。

無人時喜客來，嗔落葉飛花獨覺。身正見禪師若行令。

三冬枯木百花春。

山居僧。

世尊拈出一枝花，一代禪宗意氣奢。金色頭陀獨傳法，近年知識若河沙。拈華微笑。

威音那畔法無師，自悟自然成道奇。偶有出家新戒，漢劫空久遠在今時。贈新法師。

庄徒領衆立魔宮，汗馬從前蓋代功。師弟九情共女姦黨，可憐韓信嘆良弓。絕交會裡衆偈且以自警云。

咸陽金玉幾樓臺，方寸封疆歸去來。一个出頭天外看。

須弥百億草鞋埃

行脚

東土西天徒弄神，半身形像現全身。少林冷坐成何事，

香至玉宮蕙帳苗。

贊達磨大師半身

讓羽山新剎，一寺山名。鹿堂寺扁大燈，因述一偈。

茅屋三間起七堂，狂雲風外我封疆。夜深室內無人伴，

一盞殘燈秋點長。

不救病身勞病身，蕭牆有禍會中賓。十年劍樹刀山底，

萬劫難消阿鼻辛。

擯出中川賀頌

本非蛇影客盃弓，元字在心從劫空。昨日凡兮今日聖，

無根雲起變通風。

擯出中川賀頌呈勝瓊

馬祖不安閑話頭，毘耶杜語不勝愁。夜々苦吟三十歲，

月滿茂陵桂樹秋。

病

滿庭落葉無僧掃，南陽擁來猶落草。自悔成欲界衆生，

君子愛財是何道。

紅葉題偈以呈多欲之僧

長祿庚辰八月晦日大風洪水衆人皆憂夜有遊

宴歌吹之客不忍聞之作偈以慰云

大風洪水萬民憂，歌舞管絃誰夜遊。法有興衰劫增減，

任他明月下西樓。

重題靈山和尚示榮街徒法語後

李下從來不整冠，奔馳世上豈諛官。江山風月我茶飯，

自咲一生吟味寒

白居易問鳥窠和尚如何是佛法大意窠曰諸惡莫作衆善奉行白曰三歲孩兒也解德麼道窠曰三歲孩兒雖道得八十老人行不得靈山和尚每曰若無鳥窠一語我徒盡泥乎本來無一物及不思善不思惡善惡不二邪正一如等語以撥無因果而世多日用不淨之邪師也故余作此偈以示衆云

學者撥無因果沉老禪一句價千金諸惡莫作善奉行須在先生醉裏吟

余誠會裡徒曰喫酒必須用濁醪者則其糟而已遂名之曰乾一酒仍作偈以自咲云

醉裡衆人柰酒腸醒時伎盡啜糟糠湘南流水懷沙怨引得狂雲咲一場

余四十年前聞耒拂僧在法堂上而說禪客之氏族焉于商于工于行僕者流各訐其所業甚者乃臻出手以為摸樣矣吁是何為也即乃掩耳而出矣因述二偈意在革弊凡四姓之入吾門皆稱釋氏以其乞食而資命乞法而資性也亦何貴曹望族之有哉今世山林叢林之論人必議氏族之尊

早焉是可忍孰不可忍乎遂寫前偈以揭示四方  
誰敢擊節其偈曰

說法說禪舉姓名厚人一句聽吞聲問答若不識起倒  
修羅勝負長無明

犀牛扇子與誰人行者盧公來作賓姓名議論法堂上  
恰似百官朝紫宸 又

佛眼遠禪師三自省曰報緣虛幻不可疆為浮世  
幾何隨家豐儉若樂逆順道在其中動靜寒溫自  
媿自悔

自悔自慚溫與寒看々三界本無安愚迷正是衆生樂

嘗蜜猶忘井底難

來徃東山昔若冷飢時一飯價千金荔支素老佛魔話  
慚愧詩情風月吟 作偈博飯喫

娘生眼照太虛空天澤兒孫在海東滅却宗風三轉語  
詞華心緒一天紅 贊松源和尚

惡魔境鬼眼睛開五逆元來應聽雷臨濟當時焚几案  
道場覲面却衣來 贊運菴和尚

看々佛日照乾坤天上人間唯獨尊禪老如無渡東海  
扶桑國裡暗昏々 贊大應國師

畫出面門無覆藏須弥百億露堂々德山臨濟若入室

螢火應須遇大陽

贊大燈國師

龍門萬仞碧波高，天澤面前誰畫牢。生鐵鑄成三轉語，作家爐鞴煨吹毛。

虛堂和尚三轉語

學道參禪失本心，漁歌一曲價千金。湘江暮雨楚雲月，無限風流夜半吟。

漁父

看來真个正傳菴，不說宗乘唯世談。凛々威風逼人冷，當機覲面有誰參。

題靈山塔贈正傳菴僧

勲業名高白樂天，自然流落絕塵緣。叢林失志山林葺，莫訝双林寺裡禪。

題白樂天像

山陽長笛子雲吟，密漬芬茹支素老。心熟處三生六十劫

一声望帝月西沉

思旧齋二首

昔年黃犬與蒼鷹，苦樂悲歡地獄能。欺得揚歧吾屋壁，乾坤一鉢一衣僧。

又

揚歧天下老禪翁，從此大興臨濟宗。紅塵紫陌我乍住，山舍半吹黃葉風。

踈壁齋

真前一盞太分明，乃祖靈光照太清。德嶠悟道我不會，江湖夜雨十年情。

滅燈齋

是吾會裡小南泉，信手斬猫公案圓。錯來自悔行斯令，驚起牡丹花下眠。

示斬猫僧

盧能馬箕姓名拙，教外別傳越佛說。杜撰禪流井底尊

可憐皮下元無血

僧無尊卑

圓頂方袍姪奸威風鎮逼久寒古則參得家業可愧妄  
長我慢

謹白久參人二首

莫言公案即圓成八角磨盤心上橫  
避近難知自尿臭  
他人敗關鏡中明  
又

前年辱賜大燈國師頂相  
今更衣入淨土宗  
故茲奉還栖雲老和尚

離却禪門最上乘  
更衣淨土一宗僧  
妄成如意靈山衆  
嘆息多年晦大燈

狂雲大德下波旬  
會裡修羅勝負嗔  
古則話頭何用處

幾多辛苦教他珍

又

謹白久參人  
崇宗藏主絕交

一善不行作諸惡  
憎他妬他元字脚  
口堅勁見地微弱  
瞎禿禪宗門零落人  
咲是無繩自縛見他非  
不知已錯  
日用工夫禍作身  
暫時難得住塵廓  
直指為人又機作  
如是禪話填溝壑  
好勢耽名之下  
度到此誰人與刻削  
參得古則心  
彌濁醍醐上味為毒藥

宗門極則又聲訛  
乃祖靈山前釋迦採筆  
誰人點鬼簿  
工夫日用俗塵多  
看靈山行狀

潭水北兮湘水南  
竹枝曲裡口喃喃  
樽前爛醉豪家客

不識愁人夜雨談

香嚴擊竹

示會裡徒法語

凡參禪學道須勤絕惡知惡覺而至正知正見也惡知惡覺者古則話頭經論要文學得參得坐禪觀法勞而無功者也如是之輩當代四百四病一時發為人所辱是情識之血氣也對閻老面前有甚伎倆乎獅子尊者斷頭白乳顯露分明也正知正見者日用半斷涅槃堂底工夫全身墮在大坑子細看之苦中有樂若能見得不昧撥無因果境若見不得永不成佛漢可懼々々如汲井輪略無停息今既得出家僧相圓備在三

衣一鉢下想是過去幾生修來得如此乎若是再入馱胎馬腹去不知又經幾生歸來改修此錯修加々々切須今生了達無如是殃過念之思之

右靈山和尚法語題其後云

互操高低汲井輪威音彌勒一回春三世諸佛歷代祖泉声滴渡苦吟身

我病不及良藥效驗不及經咒靈驗逐日窮困有我情識你等諸人縱雖刹那縱雖一念成真正工夫窮決未了處到着實處諸魔障頓除老懷如意耳衆無對

右靈山和尚因病示衆法語題其後云  
不須經咒亂心頭佛界伎窮魔界叔莫向愁人說愁意  
相如雲雨渴望秋

拜大德寺住持 勅請之頌呈

廣德堂上柔仲和尚

大德大燈龍寶山靈光天上又人間燒香耐息曇華叟  
金色頭陀曾破顏

文明甲午春拜大德禪寺住持

勅請門客交加賀呼五十年簔笠淡如

勅黃捧照無愧于懷半因作詩泄之

大燈門第滅殘燈難解吟懷一夜冰五十年來簔笠客  
愧慚今日紫衣僧

再住妙勝寺之次披歷堂和尚法衣因合山清衆  
需一偈書以塞其請

先祖還衣順老留衣斬作兩段是松源衣

龍寶山大德禪寺入寺法語 山門

一跳直入龍寶三門門之有路逼塞乾坤

佛殿

古佛堂中露柱雲雨 作以手分破勢云 分破後如何雲  
門霧露



土地堂

上天是梵天帝釋下天是多聞持國護法神向何處見  
新長老新長老鬻六六三十六

祖師堂

祖師何人我何人咄誰奪境奪人

拈衣

小艷平生心亂絲慈恩先祖手中絲順老明眼衲僧  
擲袈裟云是甚脚下紅絲

室

明頭來明頭打暗頭來暗頭打四方八面來旋風打塵

空來連架打新長老鬻乾坤一了荔枝僧唱一唱云無  
人來問相如渴敲破梅花一夜水打

退院

平生荔枝小艷吟酒媼色媼詩亦媼擲主丈云七尺拈  
杖還常住吹尺八云一枝尺八少知音

帖

頂戴即是放下即是溥夫之下是王土頂戴云是

狂雲集上

露柱終日  
往來我依  
何不動至初  
字三

狂雲集下

大燈國師三轉語曰朝結眉夕交肩我何似生云  
云何似生雖古尊宿罕有受用之者唯慈明下清  
素首座能用之雖然晚年遇堯至清率悅公食荔支之  
次遂納貲一場惜乎有始而無終感懷之餘作五  
偈記之偈曰

這子請訛受用徒古今衲子一人無素老慈明的傳子  
荔支核子嚼何鹿

慈明狹路得楊歧覲面之機痛處雖天澤愁吟風月客  
綠簾吹動軟風靡 又

工夫日用閉門車五十年來烏有歌素老荔支真敗闕  
德山臨濟竟如何 又

暮夫細雨片雲朝名屬成都萬里橋百年東海獨休歇  
艷簡吟魂永自消 又

工夫勞掉齋公舟尊宿織鞋蒲葉秋野老難藏篋笠譽  
誰人江海一風流 又

宿忌之開山諷經經咒逆耳衆僧聲雲雨風流事終後  
夢闌私語笑慈明 大燈忌宿忌以前對美人

破邪歸正識情勝負我無明可羨出塵羅漢青天月白  
風清 止大用菴破却二首寬正五年

認定盤檐板漢禪衲僧作略豈膠絲殺活縱橫惡手段  
鑄消正印漢玉前 又

禪者爭禪詩客詩蝸牛角上現安危殺人力矣活人劍  
長信佳人獨自知 題大德寺動亂

伏虎將軍是我徒英雄不失惡魔途吹毛三尺掌握內  
佛法南方一點無 又

訪養叟的子熙長老癩病

毒蛇窟宅洛陽東癩病深懼享徹翁紹熙養叟正傳子  
學得天衣佛日風 此二僧者癩病有在

病輕脉重咸淳禪病重脉輕會昌禪就中腐爛養叟輩

病脉並損今日禪 又

賀熙長老就鳥尾新造寺以訪癩病

癩病脚跟毒氣生 殿堂新造勢崢嶸 鋤頭畊破就鳥峰頂  
荒草山前無一莖

旃檀佛寺利名禪 公案纏腰十萬錢 滿自青山法眼境  
就鳥峰樵客蹈通玄 又

就鳥峰建立大伽藍 普請崩山又碎岩 五臟敗壞成膿血  
黃衣癩肉臭汗衫 又

妄參佛祖旧因緣 天道豈饒逢着膾 食淡志潔吾自業  
忘姦食美汝家傳 又

獼猴無尾出入前 乃祖弄嘲天下徧 拈棒不喝送一送  
始看勾欄歌舞禪 又

大燈門下單于境 姦賊此時開法筵 厚面無慚唯畜類  
古今無若此邪師 又

風流入室蕊菖尼 因憶慈明狹路時 腸斷纖人呈露手  
暗吟小艷一章詩 又

願熙禪話太新鮮 呈露開拳又出拳 龍寶山中惡知識  
言詮古則盡虛傳 又

得果投機多教人 青銅定價兩三緡 休歌亡國伊州曲  
榮銜乾坤天寶春 又

引伴集徒幾癩兒，面門眼上絕無眉。法中姦黨自了漢，  
傳授無師話有私。又

願卦題名貪食來，會中膾炙如梅攪。金手段機輪轉，  
君子果然多愛財。題願來的付兒孫。

胡亂天然三十年，狂雲作略這般禪。百味飲食一椀裡，  
淡飯鹿茶屬正傳。謝人贈塩醬。

破戒沙門八十年，自慚因果撥無禪。病被過去因果人，  
今行何謝却空緣。病中二首

美膳誰具一雙魚，小艷工夫日用虛。姦色吟身頭上雪，  
目前荒草未曾耬。又

六条河畔斷頭場，逼面殺人三尺刃。銚伎窮情盡魔途失，  
空斷春閨夢裡腸。代斷頭罪人二首

或人矐眼或低頭，各是波旬之道流。多年風月即今劍，  
大地山河滿自愁。又

羅漢出塵無識情，嬉坊遊戲也多情。那邊非矣那邊是，  
衲子工夫魔佛情。羅漢遊嬉坊圖二首

出塵羅漢遠佛地，一入嬉坊發大智。深咲文殊唱楞嚴，  
失却少年風流事。又

作佛披毛無主賓，春愁二月涅槃辰。有情異類五十二，  
混雜紫磨金色身。涅槃像二首

頭上北洲脚下南前三人與後三人逼塞乾坤釋迦像  
看來惠白一伽藍 又

垂跡三山覆本頭百由旬瀑直飛流室郡休道馬不進  
徐福精神物外遊 嘲熊野權現

金襴長老一生望集衆參禪又上堂樓子慈明何作略  
風流可愛美人粧 閑工夫辱榮銜徒

機輪轉處實能幽臨濟正傳名利謀一枕春風雞足曉  
三生夜雨馬嵬秋 正工夫示久參徒

洛下昔有紅欄古洞兩處曰地獄曰加世又安衆  
坊之口有西洞院諺所謂小路也歌酒之客過此

處者皆為風流之清事也今街坊之間十家四五  
娼樓也淫風之盛幾乎亡國吁閑睢之詩可想乎  
哉不足嗟嘆故述二偈一詩以詠歌之云 頌曰

同居牛馬犬兼雞白晝婚姻十字街人道悉是畜生道  
月落長安半夜西

佛交露柱一同途邪法此時難得扶榮銜徒似作家漢  
佛法胸襟一點無 又

媼風家國喪亡愁君看睢鳩在彼洲隨例官娥主息夕  
玉盃夜久幾春秋 詩曰

樓子無心彼有心媼詩客色何媼宿雨西晴小歌暮

多情可愛倚門吟俗人媼坊門前吟詩歸

元來長久萬年山葉戰松杉風外間濟北蔭宗風滅

白拈手段活機關相國寺沙唱騷動

童謠逆耳野村謳唱起家々亡國愁十年春雨扶桑淚

稼穡艱難廢址秋童謠二首

皇城山野々皇城變雅變風人不平骸皮秋瘦山骨露

狂雲一片十年情又

古今詩格旧精魂江海飄零亦主恩仰叫虞舜一生淚

淚痕濺洒裏乾坤看杜詩二首

淚愁春雨又秋風食頃難忘天子宮詩客名高天寶裏

寒儒忠義也英雄又

平山雲雨夢中神君子猶迷况小人風流聖主馬嵬淚

龜鑑明々今日新示姪色入三首

濮上桑間唱肆音風流年少寵尤深世界三家村裡客

重華不識二妃吟又

所愛肉身食食忠心肝生鐵一天功男兒死處色何屈

惱乱楊花甲帳風又

說禪學道本無能乱世英雄一錫僧覲面當幾若行令

鐵圍百億棒頭崩會裏僧與武具二首

道人行脚又山居江海風流簑笠漁逆行紗門三尺劍

不看禪錄讀軍書又

請看凶徒大運籌近臣左右妄優遊蕙帳盡屏歌吹底

衆人日夜醉悠悠因乱二首詩

忠臣愁思在功勳世上汗淋不識君儒雅十年情寂々

貴遊一夜醉醺々又

前車覆處後車驚警策急時禍必生半醉半醒夜遊客

烏啼月落夜三更示會裡俗徒警策詩

詩歌吟詠失全功天上人間軍陣中意舞醉歌休度日

飛揚跋扈為君雄又

當代管儒小納言詩文家業動乾坤英雄乱世好風月

長劍太弓酬主恩因乱寄坊城小納言詩

言鋒殺戮幾多人迷得題詩筆罵人八裂七花舌頭罪

黃泉難免火車人懺悔拔舌罪

國危家必有餘殃佛界退身魔界場臨時殺活衲僧令

君看忠臣松柏霜乱裡二首

獨坐頻忙腸晦心誰人忠義此時深曉天一睡枕頭恨

朝日三竿夢裡吟又

虜軍万騎已東來京洛凱歌一曲催相坂關門征駒路

胡兒性命馬蹄埃関東御上洛

話頭古則長欺謾日用折腰空對官榮銜世上善知識



嬉坊兒女着金欄

淫坊頌以辱得法知識

日用

日用正工夫  
挽弓東射胡殺佛殺祖  
令波旬失却途  
海內太平便現前  
清風明月碧雲天  
萬年七百高僧行  
看久天龍正覺禪  
祝聖

賊元來不打家  
貪孤獨財非萬國  
珍信道禍元福所復  
青銅十萬失靈神  
德政

每朝高叫太忙々  
受敵機先當八方  
觀法坐禪休度日  
但須勤跋扈飛揚  
亂裡工夫

泉涌寺雲龍院後小松院廟前菊

袞龍錦袖碧雲天  
穀信宗門列祖禪  
生鐵鑄成黃菊意  
秋香未老玉塔前

如法如說衲僧眼  
經咒讀誦百千返  
三百六十日課前  
風雨雪月吟艷簡  
日課

天然胡亂正工夫  
昨日聰明今日愚  
宇宙陰晴任變化  
一回斫額望天衢  
太平正工夫

丈夫須具正見  
諸妄想隨境現  
馬問良馬麼  
無人答此  
刃利劍  
亂世正工夫

千口不多富貴愁  
家貧甚苦一身稠  
涸水鯉魚斗水望  
明朝騰扇廣河流  
小欲知足二首

果滿羅漢有三毒純一願小欲知足無衣貧病得相治  
山堂一夜聞促織又

行惡衆生與惡亡善人壽命自然長十人七八箇滅却  
長祝當今千歲昌惡行衆生贊

一晝夜八億四千念々不斷自現前聞主不許詩風味  
夜々吟魂雪月天習心

罪過弥天純截主世許宗門賓中主說禪逼人詩格工  
無量劫來惡道主自戒

婆子侍慈明老師婚姻脚下結紅絲驪山春色三生睡  
千歲海棠花一枝愛念盟 二首

恩愛紅塵誰人掃娘生赤肉父子道羅睺羅尔歡喜丸  
携來直授釋迦老又

十方世界盡乾坤水火寒温人命根看以米穀閑由地  
是衆生之地獄門地獄 二首

黃泉境界幾多勞劍是樹頭山是刀朝打三千暮八百  
目前獄卒眼前牢又

冬夜螢火和州紀州兩國際山野充滿因禪詩二  
章以祝之云

螢火爭陽智與愚衆生定業佛難扶一天星斗皆朝北  
帝業南方一點無

滿山螢火諸人看，凶事南方也大難。可憐貴賤共自滅，廢北秋風冬夜寒。又

朝來公案晚來吟，求食忘前業深。晝夜人々雪山鳥，無間苦痛月沉沉。寒夜嘆雪山鳥

千古無多富貴時，青銅十萬讓阿誰。必定後生三惡道，老人何事不前知。嘆孤獨老人多欲

二月涅槃寂滅辰，一力兩段也心身。不生不滅佛難得，花約有無相對春。相對

當今聖代百王蹤，玉体金剛平穩容。風吹不動五雲月，雪壓難摧萬歲松。亂中大嘗會

水流四念不同心，佛界魔宮亘古今。寒窓風雪梅花月，酒客弄盃詩客吟。各見不動

財寶米錢朝敵基，風流兒女莫相思。扶桑國裡安危苦，傍有忠臣心亂絲。敬上 天子塔下 二首

乾坤海內起烟塵，昨夜東風逼四隣。禍復美人身上事，榮華可悔馬嵬春。又

善惡未嘗混世為，善者皆朋舜而惡者皆黨桀也。雉心為鷹所擊，鼠必為猫所咬，是天賦所前定也。一切衆生之歸佛善而免生死之淪沒者，亦猶若茲。因作偈以示衆云。

鷹雉鼠猫元自然，威音劫來旧。因緣照着華清殘月曉，  
明皇龜鑑馬嵬前。

過現未誰人了，避惡人沉淪。善者脫風流可愛公案圖，  
德山棒弓臨濟喝。又

風流脂粉又紅粧，等妙如來柰斷腸。知是馬嵬泉下魄，  
離魂倩女謫扶桑。又

身心不定假兼真，欲界衆生沉苦辛。愁夢三生六十劫，  
劫空無色馬嵬神。又

詩人財寶是文章，儒雅乾坤日月長。窗外梅花吟興樂，  
腸寒雪月曉天霜。君子財

龐老棄錢誰舉揚，曾撞玉斗亦何妨。庭有梅花窓有月，  
鐵檠紙帳五更霜。貴人財

錦旗日照動龍蛇，聖運春長救國家。化雷踢殺五逆輩，  
誓爲朝廷作惡魔。嘆日旗落地

韓信昔年雲夢殃人心，真偽自然彰。安危不定个時節，  
人畜難分荆棘墻。因乱

幽王上古見今時，一咲花顏烽火姿。八熱八寒鬼窟裡，  
馬嵬辱并劫空悲。羨色傾城

山名金吾鞍馬毘沙門，化身  
鞍馬多門赤面顏。利生接物現人間，開方便門真實相。

業屬修羅名屬山

美人得寵美人珍珠玉青鞋脚下塵秋滿驪山宮樹月  
榮華可悔馬嵬春 婦人多欲

海內文章汝面前誰知鍛煉獨天然說法上堂法堂上  
如來禪與祖師禪 東坡山谷同燈

大唐國裡沒禪師傳受明人東海兒一天法窟妙勝寺  
天澤宗風更有誰 大應國師贊妙勝寺

乙石御用人向妙勝寺真前髮置賀頌

三歲生年小女兒終吾門老比丘尼壽筭婆裙綿延錦  
櫻孩垂髮自如絲

乙石御用人待知客歸寺

知客他行乙石愁歸來日數在心頭斫額天衢望晴雨  
愛看昔日摘星樓

顯密天台妙樂途分明傳教大師徒山猿叫落西樓月  
七社靈神鎮帝都 贈山徒

李廣將軍一斥心多年石虎識情深殺父端的不取眼  
敢忍燈前夜雨吟 不殺生戒

鵝鳥吞珠刑罰辛分別曲直偽兼真翠巖老漢眉毛話  
保福豈非家裡人 不偷盜戒

娼坊年少也風流喫吻抱持狂客愁妄闢樗蒲李群玉

名高虞舜辟陽侯

不邪淫戒

一字不說不信道大藏經卷已落草漚和元來截流機

怪哉父小而子老

不妄語戒

痛飲三盃未濕唇醉吟只慰樂天身稜道者任念起處

宜明酒伴也誰人

不飲酒戒

晚菊東籬衰色秋南山且對意悠悠三妻三女都不識

淵明吟興我風流

南園殘菊

生身大日覺主孫出入神通活路門迦葉惠持長夜魄

秋風春雨月黃昏

高野大師入定

貪嗔根本自癡愚人我無明名利徒一子無心閑道者

近等林下一人無

三毒

全体作用逆鬼眼勝負修羅英雄念望帝一声月三更

殺人刀與活人劍

不殺生戒

痛飲誰家樓上謳少年一曲乱心頭阿難逆行娼坊曉

妙解方便殘月秋

不邪淫戒 三首

逆行慈明婆子身紅絲脚下絆婚姻一曲樓頭綠珠留

可憐昔日趙主輪

又

沙門何事行邪淫血氣識情人我深淫犯若能折情識

乾坤忽變作黃金

又

魔王眷屬沒商量得失是非幾斷腸前他後我如來願

前後下夫三會長

自讚毀他戒 三首

五逆聞雷臨濟訣大慈大悲太親切活人劍子殺人刀  
欲汚人滿口含血 又

誰共修歸正破邪若非情識又何過這般作略子細看  
座主見知還作家 又

杜撰飯袋惡禪和塞窟滿漢亡國家歸依佛法僧檀越  
閑看世間殘照斜 誅謗三寶戒

境無心燈籠露柱人辨別珠玉塊土一夜五十年前吟  
青塚殘月巫山雨 人境懷古

兩片皮復一具骨鳥虫馬牛更魔佛混沌未分暗昏人

雲月知為誰風物 又

勘辨入邪毒氣深元非君子小人心暗認譬諭作實會  
苔衣雲帶樂天吟 倭國以譬諭作實 二首

今時日用誰人道超越佛祖是野老這般輩法中畜生  
胸襟愚不鋤荒草 又

異類馬牛中行途洞曹為仰正下夫愚昧學者誤領解  
看來正是畜生徒 異類中行

高下互看打水輪衲僧轉々轉機輪安禪出定清萃曉  
汲盡天邊月一輪 井

吸盡西江公案圓工夫不管灑深泉不借寸繩千尺底

西來祖意為人禪 又

孤峰頂上出身途十字街頭向背衢空聞夜々天涯雁

鄉信封書一字無 山居

人家男女魔魅禪室內招徒使悟玄近代癩人願養叟

弥天罪過獨天然 示榮街徒

野老却來日用今私車公案誤晴陰昨夜打窓零落葉

葉々聽作雨声吟 認喻作實

要錢賣藥不修琴度世工夫貪欲深山堂夜雨風流榻

自絕松風閑道吟 山中開藥圃

銀燭登屏殘月曉錦茵用帳落花春生身若墮在火坑

花顏玉貞也何人 示邪淫僧

五十年前大道心來生未隔已忘今朝得夕死立地佛

一旦迴心百煉金 少年道心老來失 二首

失却悟徹捨閑事去劫來劫又如此金鑰正邪佛難分

聞說佛魔隔一紙 又

題黃檗禮佛示榮街徒 二首

禮佛家風真作家作家汝榮街請訛奪食驅牛成伎倆

米錢名利賺過他

閻老面前充苦哉殷錢今日急還來話頭古則商量價

棒鳴邪師度世財 又



臨濟曹洞座主各末後句 二首

大死底人心塊土元來是燈籠露柱變易分段只任他  
新月黃昏五更雨

平生信施涅槃堂暮往天台南岳朝公道世間唯病苦  
貴人身上不負錢 又

一段多情粟棘愁回光及照晦心頭工夫長養不得急  
動靜起居春又秋 惠日有憎愛

法然傳聞活如來安坐蓮華上品臺教智者如尼个道  
一枚起請最奇哉 贊法然上人

臨濟德山非作家棒頭喝下任師誇堪笑伎倆與鼻孔

照看高低日影斜 作家二首

忍辱仙人常不輕道心須是盡九情恁麼白淨真袖子  
可勤觀法又看經 又

抽牽者即主人公地水合成隨火風一曲勾欄曲終後  
本然大地忽為空 傀儡

寒灰充塞洛陽城二月和花春草生黃金宮殿依然在  
劫下千秋萬國清 洛陽火後

人具畜生牛馬愚詩文元地獄工夫我慢邪慢情識苦  
可嘆波旬親得途 朝文章

傑作詩文金玉圭言々句句諸人驚闍王豈許雅頌妙

鐵棒應惶鬼眼睛 又

法塵習着奈相思 李杜蘓黃音律詩 弓影客盃元字脚  
生身入地獄如矢 元本無明

弓影膏盲在酒中 毒蛇影落客盃弓 楓林黃葉蜀江錦  
染得心頭滿自紅 破壁言喻示病僧

利欲農夫商女情 絕交美譽與芳声 梅花雪月非吾事  
貪着米錢忘却名 利欲忘名

賣弄深藏貪欲心 今中客入要黃金 詩情禪味風流譽  
秋思春愁雲雨吟 又

酒伴詩僧久絕交 獨吟月影滿松梢 楚臺愁夢是吾業

杜牧味清媛色嘲 耽色喪德

患是衆生良藥訣 祖病當機臨濟喝 琴臺暮雲茂陵吟  
五十年来相如渴 偶作

我唯有一息出入日 面月面忘左右 釋迦老師大覺尊  
祖病治得用牛乳 又

室內閑吟一盞燈 自然無道个 詩僧愁人春興猶寒夜  
袖裡花殘梅萼水 又

暫時此地弄精魂 臨濟後身與祖門 羨譽芳声世間外  
五雲天上月林孫 頌

元日賀官軍敗凶徒

元正先破豪處々凱歌高百萬朝廷卒不能損一毛  
惠命微々懸一絲分明臨濟正傳師識情名利山林客  
夜々秋風枕上吹偶作

睡裡海棠春夢秋明皇離思獨悠々三千宮女情難慰  
更遂馬嵬泉下遊又

愛念愛患苦胸次詩文忘却無一字唯有悟道無道心  
今日猶愁沈生死懷古

十身溺愛矣文章不是行天然即忘翰墨無論近身事  
輪迴斷盡隔生腸又

若哉色慾太深時忽忘却文章與詩不前知是自然福

猶喜風音慰所思警策

夢熟平山夜々心蘊黃李杜好詩吟若將淫欲換風雅  
價是無量萬兩金又

無始無終我一心不成佛性本來心本來成佛々妄語  
衆生本來迷道心迷悟

不信道石點頭若點頭非石流石有靈是妖怪吾祖師  
老虎立題點頭石誑虎立祖師

天然之釋迦弥勒六々元來三十六達磨九年佛六身  
成佛作祖盡精力不行成佛

示焚書籍僧上

始皇自然辨邪正，波旬餘殃如看掌。看火劫火洞然時，  
書籍金剛不壞性。

樹下石上茅廬詩文疏鈔同居，欲焚囊中遺藁先須忘。  
腹中書

腹中地獄成，無量劫識情野火燒不盡。春風草又生，又

南北東西不可量，扶桑粟散國封疆。耽名愚鈍畜生道，  
望帝一声聽斷腸。示耽名僧

金烏玉兔照籠中，百億須弥遍碧空。香水無邊四大海，  
畜生無始又無終。又

苦樂愛憎影與身，寒溫喜怒境幾人。平生吟興黃泉路，

地獄門前桃李春

示弄業文筆僧

赤面修羅血氣繁，惡声震動破乾坤。鬪諍負時頭腦裂，  
無量億劫旧精魂。弔戰死兵

我本来迷道，眾生愚迷深。故不知迷，縱雖無悟。若有道，  
佛果天然立地成。偶作

今日佛心猶未生，眾生界地獄先成。萬機萬境皆情識，  
轉處能幽劔戟城。心隨萬境轉

聖九萬里隔鄉閭，清淨沙門塵事間。殘雪殘梅窓外月，  
吟中猶劔樹刀山。佛魔一紙

眾寮及第太雄尊，著述佳名我命根。愁夢未修雲雨約，

君息猶喜費吟魂

以媼欲摸詩文

忘却萬端詩未忘半生半死涅槃堂黃泉路上此吟興

闍老宮前後悔腸

頌

妙莊嚴昔日因緣暗忒道光輝我前闍老不吟玉塔月

黃泉後悔碧雲天

看妙莊嚴王品

記得昔身常不輕可惶血氣衆生情看火宅脚跟下

滿自無間獄太城

禮常不輕菩薩

須成忍辱波羅密是如來甚深秘密心火燒盡菩提根

阿修羅主滅佛日

忍辱仙人

涅槃堂裡絕言詮棒喝機関法座禪睡裡花顏猶醉眼

春風腸斷海棠前

圓悟大病

巫山夜々夢難驚艷簡題詩對鉢槃只為檀郎呼小玉

風流可愛美人情

又

狹路慈明色欲媼庭前栢樹祖師心惡魔臨濟正傳境

雲暗姮娥落玉簪

又

娘生佛果已圓成大病苦中無識情小艷詩情人不會

雞声茅店月三更

又

宗祐僧牛誰面門本來心逼塞乾坤獨向真前謹乞命

要須弔祐老幽魂

弔宗祐老僧

或作僧形或馬牛曹溪滴水百川流南山吟興東籬菊

花綻三玄三要秋

和弔宗祐老僧頌韻

見色聞聲吟興長，明心悟道沒商量。愁人不識普賢境

歌吹樽前捻斷腸

題江口美人勾欄曲

八稜八尺倚長天，拈起向秋山。面前衲子當機拱手處

洞山三頓德山棒

泉涌寺僧行棒

餓鬼苦多也，畜生人家魔魅長。九情飢渴病苦五噎患

邪師知識野狐精

偶作

麋鹿生涯猶狘愁，鳩因深欲苦心頭。四時難愕此愁夢

一枕西風夜半秋

鳩鹿狐懺悔

金吾除夜死山名，從此黃泉幾路程。太平天子東西穩

九五青雲無客星

除夜

誰參鴻仰丁宗禪，圓頂沙門心豈圓。剃頭外道長情識

定與魔王結惡緣

圓相

生死輪回恰似環，人々這末後牢關寸步不移。脚跟下

生身墮二鉄圍山

又

圓成公案愛風流，逆行機關為仰籌。愁殺樽前夜遊客

美人一曲玉樓謳

又

羈客恨多天地人，愚哉鬼窟旧精神。元來諸法從緣起

風月沉吟了个貧

示礼佛祖禱福力僧

飯綠食籍聊茶湯，竹縛菊籬梅補墻。人間世諦足餓死

地獄遠離安樂長

食籍

淫亂天然愛少年，風流清宴對花前。肥似玉環瘦似燕

絕交，臨濟正傳禪

寄近侍美妾

參禪學道扣玄人，世界蒲鞋脚下塵。象骨老師三九首

常成飯頭苦心身

送僧行脚

見處風流悟道心，桃花了了價千金。瑤池玉母春風面

我約愁人雲雨吟

見桃花圖

開陣玄沙法戰場，宗門議論老禪場。衲僧遊戲諸三昧

拄杖腰包桃李場

又

對畫忽然盡識情，道人龜鑑太分明。娘生佛見南陽境

腸斷黃陵夜雨聲

香巖擊手竹

携來茗帚動風塵，看公聞聲悟道新。半夜千竿修竹雨

南陽塔下弄精神

又

久響香巖一擊聲，可憐悟道發佳名。葉公逆耳竹扉雨

滴盡南陽塔下情

又

普明國師破百丈大智禪師法

破夏文殊宗旨，勳衲僧三昧似商君。祖師太用現前境

南岳巫山一片雲

僧運酬恩妙勝，薪靈山昔日涅槃辰。二千四百年前境

梅雨流紅五月春

靈山徹翁和尚百年忌

癩兒牽伴出人前，魔魅人家常說禪。  
龍寶封疆幸滅却，靈山記劫瞎馱邊。又

老禪本鐵眼銅睛，不是北堂慈愛情。  
天下衲僧脚跟下，宗門潤色綠蒲青。又

陳蒲鞋 八首  
唯有宗門零落愁，錯來末法幾禪流。  
春風桃李吟無酒，尊宿榮華蒲葉秋。又

黃衣尊宿事如何，不是當機信手拏。  
三家村裡野老業，棒喝商量豈作家。又

元來黃檗下之尊，臨濟師兄不用論。  
佛法南方今落地，北堂寂寞苦吟魂。又

真正工夫任變通，達磨建立佛心宗。  
雲起南山北山雨，夜來吹過樹頭風。又

堪笑米山無米錢，誰參尊宿織蒲禪。  
眾生五欲八風起，看々正邪今現前。又

說道談禪長利名，工夫亂裡築愁城。  
門闌空折韶陽脚，折得江湖門弟情。又

無米々山下空，宗門玄要老禪翁。  
七寶莊嚴之富貴，平生冰雪又寒風。又

歇林紹休侍者相攸構，居扁曰傳正。  
因作偈以為證云



宗門滅却法筵開，狹路慈明顛倒來。墻外自然樵客迹，  
風流可愛斷崖梅。

講經木土喚為誰，弥勒當來之導師。炉鞴鈍鉄出生鉄，  
利劔鈍刀鉄不知。再來隔生即忘。

大道廢時人道立，離出智慧義深入。管絃歌吹人倫能，  
風雨世間之音律。自然外道。

聰明外道本無知，精進道心期幾時。天然無釋迦弥勒，  
萬卷書經一首詩。又。

三界無安猶如火，宅箇主人公瑞岩。應喏。

岩頭和尚

名風流面，蜜胡鬚黑也。赤鬚舌頭，絕勝文殊脚去踏。  
斷道儒天下，衲僧癡愚邪法。而今難扶象骨老師，小巫  
臨濟渡子同途着。作樣作模，頭公細入鹿橫棹。丁  
撥江湖，江湖議論區區。確頌曰。

世間種々，齋公圖道伴知音。一箇無夜雨蓬窓，江海燭  
宗門零落盡工夫。

參禪學道，鬧忽々六十年來任。變通流水千江，機輪轉  
關。浮樹下月如弓。學林宗參菴主水燄。

新題小艷一章詩，詩句工夫說向誰。殘生白髮猶嬌色。

鬼眼闇魔次是非

題圓悟大師投機頌後

九聖同居何似生披毛作佛也分明今宵極睡清嵐枕  
空劫以來松有走

四睡圖

這三轉痛處針錐看之宗門句裡機爭奈石溪肩上下  
拾來脫屣只傳衣

運菴還松源衣留頂相

從參臨濟大人禪元字脚頭心念前即今若作我門客  
野老風流美少年

弟子癖

分明畫出許渾圖吟撼徑山天澤鬚嘗譽求名不愛利  
風流寂寞一寒儒

自贊

臨濟曹洞善知識貪欲熾盛

米錢膝下露堂々辛苦沉淪萬劫腸賊智不妨過君子  
德山臨濟沒商量

臨濟德山棒喝禪睦州蒲葉齋公船在傳蠟屐一時忘  
不是和嶠我愛錢

癖

竺土釋迦文殊師即今蘓軾更看誰黃龍禪味舌頭上  
萬象森羅文與詩

東坡像

臨濟門派誰正傳風流可愛少年前濁醪一盞詩千首  
自笑禪僧不識禪

偶作

作家手段孰商量說道談禪舌更長純老天然惡殊勝  
暗顰鼻孔佛前香

嫌抹香

病僧大苦發傷風死脉頻々命欲終如來新病用牛乳  
莫忌凡身藥草葱 病僧与五辛

看經看教無間業應菴但許白淨業參禪學道閑話頭  
可憫身口意三業 示久參徒

但看江海薄冰地不管入々心上危可憐極苦目前急  
迷道衆生終不知 薄冰

唱得雲門王老禪朝遊東土暮西天震旦徑山上堂後  
建仁擊鼓法堂前 金春座者歌

岐岳和尚龍寶山住院時請御所啣食於看雲亭  
夜々酒宴回一休和尚相看岐岳問一休和尚曰

汝於老僧境界知耶不知答曰知問曰試舉看答  
曰茂陵多病後猶愛草文君岳大咲絕倒隨後打  
曰請為老僧題無住榜休便題曰

龍寶禪翁活眼睛孤明歷々磊苴名黃金詞賦文君恨  
師笑茂陵空薄情

高亭腸斷夜參僧歌舞花前酒若澀長老雲門塔下迎  
真前雲雨五更燈 又

目前春樹屬孤山上苑一枝無客攀七寶青黃蘂紅白  
淡烟踈雨祖師閑 盡梅

太機太用捻絃膠如法作家清宴饋文君絞酒相如瑟

終奈薄情無賴嘲ラ 自贊

文章禪話不知真ツ未得道流分ラ主賓慚愧未劫拔舌業

筆頭罵詈ラ一天人ラ 又

傍若無人閑逸心カ奈何床下法塵深キ夢闍銀燭緯簾月

白日青天咲朗吟ス 又

純老佳名發ス海東天源派脉テ截流通德山臨濟在何處カ

歌吹夢闍殘曉鐘 又

活潑々時池水清怪哉端的死中生飛潛天地衲僧眼

雲暗龍門點額情 脫鱗鯉魚苞中得活ス

祖師禪不是如來接物利生尤モ苦哉明歷々金剛正体

百花春到為誰開ク 應無所住而生其心

公案工夫暮與朝山堂夜々雨葉々地獄猛火百萬劫

滿腹詩情幾日消 警言起所ラ

平生贏得蒼豎名信口言詮群衆驚ク自讚毀他長情識

乾坤江海我詩情 不嫌念起所ラ

脚下紅絲妻子盟驪山私語約ス三生良宵共愛夢闍月

照看一声望帝情 又

三十年來江海情空吟ス野水釣船橫偶然我負レ子陵業

興在詩非勦絕名ニ 心念起所

末後涅槃堂懺悔

風音氣象頌羨詩乘興邪慢吟燃髭惡魔內外託吾筆  
猛火獄中無出期

艷簡艷詩三十身學名天澤正傳禪吟身半夜與燈瘦  
雪月風流白髮前 又

知識華嚴五十三美人勝熱抱持談南方佛法非吾事  
腸斷風流童子參 童子南詢圖

四歲女兒歌舞前約深難警曰因緣棄恩入無為手段  
座主作家誰是禪 紹固喝食

佳名勦絕利貪稠茶店美人誰好仇爭識洞山下尊宿  
慈明狹路好風流 贊欽山禪師

上堂茶話作家禪點檢將來新婦禪錦帳香囊風起真  
洞山佛法是何禪 又

濟家細老機生鍊一條活路途與轍雪峰岩頭無眼睛  
千歲達磨宗敗闕 又

尿床鬼子太難心定老當機恩力深夜雨燈前薄即忘  
風流茶店旧時吟 又

今宵拭淚涅槃堂伎倆盡時前後忘誰奏還鄉真一曲  
綠珠吹恨留声長 辞世

扶桑國裏沒禪師東海兒孫更有誰今日窮途無限渡  
他時吾道竟何之 嘆龍翔門派零落

東海兒孫誰正師正邪不辨盡偏知狂雲身上自屎臭  
艷簡封書小艷詩 又

或儒者或教家僧不管入天大眾憎飛來蝙蝠暮堂裡  
怪長無明滅法燈 又

去々來々隨意行乾坤萬里俗塵生西天此土姓名重  
脚底脚頭蘆葉輕 渡江達磨

來往生靈六道街修羅闍諍沒生涯人間未得諸天樂  
闍城娑婆事々無 三界

餓鬼畜生無菩提劫空法習徹吾臍無色衆生浚如雨  
月沉望帝一声西 又

威音那畔本去劫跡勒當來又來劫依草附木旧精魂  
可憐三生六十劫 又

須參最上乘之禪等妙如來豈自然三界無安猶火宅  
三車不識在門前 又

勇也興盡對妻淫狹路慈明逆行心容易說禪能忘口  
任他雲雨楚臺吟 示南坊偵

貪着少年風流風流是我好仇悔錯開為人口今後誓  
縮舌頭 制戒

耽利好名天澤孫靈光失却大燈門梨冠瓜履人疑念  
伎倆當機報佛恩 泉壩衆絕交

參學之徒無道心紅紫朱色似鎗金忠言可送人兮耳  
牛馬面前空鼓琴 又

松源靈隱老師禪破法繫條省數錢囊中我沒半文畜  
狂客江山三十年 松源和尚

巡堂合掌又燒香豎拂拈槌坐木床臨濟正傳也何處  
一休東海斷愁腸 又

煨芋懶殘旧話頭不求名利太風流相思無隙此君雨  
拭淚獨吟湘水秋 拾馬糞修班竹

看之我養鳳凰心燕雀鳩鴉山野禽臨濟栽松一休竹  
三門境致後人吟 又

臨濟宗門誰正傳三玄三要瞎驢邊夢闍老衲闍巾月  
夜之風流爛醉前 對臨濟畫像

關浮樹逼塞乾坤葉之枝之我脚跟太極梅開紙窓外  
暗香疎影月黃昏 關浮樹

在官忘却不容針妙勝封疆前樹林立破商君胡亂法  
去來沒跡一身吟 剪妙勝寺竹木

雲水江山我脚跟殿堂幸有一乾坤常住物便私車馬  
酌恩塔主不知息 退酌恩菴

禪門寶訓云圓悟謂妙喜曰大凡舉措當謹始終  
謹終如始則無敗事故曰靡不有初鮮克有終昔

晦堂老叔曰黃檗勝和尚亦奇衲子但晚年謬耳  
觀其始得不謂之賢云々因作偈題後云

鐘樓讚兮猛虎途衲子金言臨濟徒擡搦與奪辨邪正  
諸祖當機非一摸

晦堂老痛處針錐隱去弥彰惟勝機明眼非元來即是  
一休是正本來非 又

但歸依積翠菴禪慚愧狂雲名利前一夕一朝日月蝕  
終分明白白青天 又

杜書記獨朗天然參得正傳臨濟禪儒雅家風無一點  
詩情姪色紫雲前 贊杜牧

迷道衆生切外愚人々渡不識窮途設官只願佳名發

真菩提心一點無 戒參玄僧名利

大智元來迷道愚未聞小智菩提扶一千公案駁駁

學者江湖斂袋徒 戒參玄僧智惠

曹洞今時無分別與臨濟受用遙別野老百姓真家風

曹洞臨濟受用別 毀破曹洞惡見

參禪九到又三登明白洞然無愛憎橋上不通名利路

羨者一錫一閑僧 畫

老漢知從何處來高山境與塔崔嵬水草心頭瘦牛体

應身行脚出天台 又



為山來也目前牛戴角披毛僧一頭異類如其一身靜  
三家村裡也風流 又

老禪饒舌笑中愁虎尾搗來誇虎頭月元不識寒山意  
夢愕清光萬里秋 四睡圖

聞聲悟道見色明心雲門拈云觀世音菩薩將錢  
來買胡餅放下手曰元來是饅頭

垂示韶陽三句禪聞聲見色話頭圓胡餅饅頭誰買得  
觀音三十二文錢

雲門拈見色聞聲衲子機鋒折識情信口道着底食藉  
念頭起處太分明 又

贊臨濟和尚

喝喝喝喝當機得殺活惡魔鬼眼睛明人如日月

杜牧

誰記慈明老漢婆無能懶性甕吞虵工夫雪月吟魂冷  
閑唱桑間濮上歌

宗門活句向房宮六國興七六國風筆海詞林何所似  
青天萬里月方中 又

這棒頭宗門大功慈明之子是黃龍明皇不識風流道  
今夜馬嵬千歲風 洞山三頓棒

遭人罵辱長嗔情是即真迷道衆生無始無終黑山下

無明濁酒幾時醒

又

扶起東福寺荒廢蓋因美少年之旧交

甲子十三

看々慈揚禪正傳誰來純老面門前宗門潤色風流道  
旧約難忘五十年

本慈聖一是開山建立魔宮救五山東福分派南禪寺

千歲猶輝惠白山

又

不是平生好境痕任他雞足月黃昏誰氏風流我盟約

馬嵬青塚旧精魂

慈揚塔

大慧武庫曰有俗士投演出家自曰捨緣演曰何  
謂捨緣士曰有妻子捨之謂之捨緣演曰我也

箇老婆還信否士默然演乃頌曰我有箇老婆出

世無入見晝夜共一處自然有方便云々余亦作

頌記之

愛孫愛子對妻歌滅却魔宮猶入魔貪着風流年少境

自然無一點漚和

有僧眼白在妻青對客唯言我薄情花前酌尽一樽酒

半醉夜深猶半醒

又

醉鄉薰屋我家山燭影三更對玉顏夜雨無愁歌吹海

姮娥須是墮人間

又

觀法看經真作家黃衣棒喝木床料菴草元是我家業

女色多情加勇也

讀冷齋夜話有廢禪山石崖僧之件事感而題之

佛印重荷一百夫佳名道價滿江湖石崖一箇野僧意  
佛法南方一點無

玉帶咲欺如干泥路頭喧吠犬兼雞天下老禪亦慚愧  
獄中天澤世皆乖 又

百丈絕食無人學藥山兩粥黃菜麥但居門外弊衣徒  
金襴道光開法席 又

平生爛醉倒金樽老後住持塵事繁莫恃榮華竟成苦  
江山水宿又風餐 德禪塔主自贊

日憶玄都千樹桃劉郎醉語許多豪利名知識極驕功  
堯帝土堦三尺高 為惡知識警策

蜜啓自慚私語盟風流吟罷約三生身墮在畜生道  
超越為山戴角情 吸美人媼水

杜牧荔枝是我徒狂雲邪法甚難扶為人輕賤滅罪業  
外道波旬幾失途 又

臨濟兒孫不識禪正傳真斗瞎駝邊雲雨三生六十劫  
秋風一夜百千年 又

盲女森侍者情愛甚厚將絕食殞命愁苦之餘作  
偈言之

百丈鋤頭信施消，飯錢闍老不曾饒。盲女艷歌咲樓子，  
黃泉淩雨滴蒸。

看々涅槃堂裡，禪昔年百丈，鑿頭邊夜遊爛醉，盡屏底

闍老面前，柰飯錢又

鸞與盲女屢春遊，鬻之胸襟好慰愁。愁淚真衆生之輕賤，

愛看森也美風流森公乘輿

夢迷上苑美人，森枕上梅花，信心滿口清香，清淺水

黃昏月色柰新吟媼水

楚臺應望更應攀，半夜玉床愁夢間。花綻一莖梅樹下，

凌波仙子遶腰間美人陰有水仙花香

喚我手作森手

我手何似森手，自信公風流。主發病治玉莖，萌且喜我  
會裡衆

豪機嗔恚識情心，二十年前在即今。鴉笑出塵羅漢果

柰何日影玉顏吟聞鴉有省

偈言之

九月朔森侍者借紙衣於村僧，御寒蒸酒可愛作

良宵風月亂心頭，何柰相思身上秋。霧朝雲獨蒸酒，  
野僧紙袖也風流

一代風流之美人，艷歌清宴曲尤新。吟腸斷花顏，靨

天寶海棠森樹春

看森美人午睡

文明二年仲冬十四日遊藥師堂聽盲女艷歌因作偈記之

優遊且喜藥師堂毒氣便小是我腸愧慚不管雪霜髮吟盡嚴寒愁點長

余寓薪園小舍有年矣森侍者聞余風彩已有嚮慕之志予亦知焉然日循至今矣辛卯之春邂逅于墨江間以素志則諾而應矣因作小詩述往日間何闊之懷且記今日來不束之喜云

憶昔薪園居住時王孫美譽聽相思多年旧約即忘後

猶愛玉堦新月姿

盲森夜々伴吟身被底鴛鴦私語新々約慈尊三會曉本居古佛萬般春

約彌勒下生

木稠葉落更回春長綠生花旧約新森也深息若忘却無量億劫畜生身

狂雲集下終

天澤七世東海狂雲老納純一休

寬永壬午孟春吉日  
西村又左衛門新刊

